

邃懷堂全集

邃懷堂詩集後編卷三

寶山 袁翼 穀廉

病起服紫團參

雄奇五行山上黨九州脊山人劖紫團巖谷遍搜掘
千春飽風露三桎孕脂液借彼甘溫性治此情欲疾
豈知取精多坤輿亦傷脈巧者摘靈苗分蒔累千百
玉蕊吐芬馥溫尉豈能識衆生寓宇內信宿郵亭客
不死本無藥金丹在我腋身病是心病一甌劑何益
瓦爐爇橡炭隔宵火猶赤階前桂已花天香送滿室

贈書賈李生

夙世應爲脉望仙古香微洒袖衿邊勞君處處搜殘
帙累我年年費俸錢鴻漸久荒烹茗竈玉川已賣載
書船絳雲傳是樓何在百萬圖書付劫烟錢氏絳雲
樓徐氏傳
是樓藏書之
富甲於海內

上巳日集閒不閒齋作修禊會

劇飲衙齋十笏餘浴蘭風信報花初宋公說餅經須
補食棗泥餅逸少流觴序自書柳圈祓除分客佩蕨拳鮮
嫩佐家蔬梅溪地瘠無兼味釣得銀鱸一尺魚

登水口寺樓

山抱魚城萬竈烟登樓平楚眺蒼然
蔗甜已入桑榆景蘖苦須參解脫
禪有客亭中歌放鶴寺西里許舊有放鶴亭今其址已無人橋上聽啼鵲一關鎖鑰分南北猶想龍爲菜圃
天割據年

嶺上梅花盛開因事阻遊感題

相逢祇在歲寒時月落山空有所思
花是仙姿原絕世人非高士莫題詩
江南香雪離千里鄧尉遍山皆梅名香雪海
嶺上春風寄一枝清福幾生修
得到縞衣常伴水雲

湄

立春夜偶成

一年駒隙又駸駸
臘鼓催春出遠林
銀鵲飛符軍務急
始興賊氛未靖
玉蟲照影鬢絲侵
宦途豈止車生耳
家事常如草拔心
不爲梅花檐下立
暗霜如霧濕衣襟

山樓聽雨徹夜不寐

鞍馬不離駱駝嶺
篋輿常憩鳳凰城
山圍夜氣迷鐙影
風攪春愁入雨聲
楊柳陰濃誰院落
杏花時過近清明
池塘一尺添新漲
蝌蚪終宵閣閣鳴

題同年周迪堂郡博掃葉烹茶圖

三卷新箋陸羽經巖前楓榭葉餘青
伯芻更記煎茶水月下中冷汲一瓶

畫中丰采認霜髭嶺北同官在此時
欲乞龍團嘗一勺玉梅花底共談詩

度嶺至南雄州

曲江鐵像今何在蟻垤羊腸路十重
落盡梅花香寂寞白雲一角寺門封

嶠山修水形如舊吳芮梅銷骨已寒
一路鷓鴣聲不

斷綠榕城郭雨中看

村農登笠賣瓜蔬酒幌茶棚小市間來雁亭中曾信

宿擘巢大字相公書

中站行館阮芸臺相國額曰來雁亭後跋十六字云云

大庾關連小庾關松杉夾道鳥緡蠻欲尋帝子讀書處手採仙茅跨鶴還

桂花仙子

中站行館老桂一株土人稱桂花仙子

若有仙兮來娉婷披霞帔兮乘雲輶月光悄悄風泠泠
玲瑤階萬斛龍涎馨鏡奩夜照蟾蜍魄金粟華妝壽
陽額羅襪步虛不留迹瓣香常奉流星驛

小溪行館

遙看西嶺已斜陽寂寞孤城驛路旁
燕子不來春又老一庭風送柚花香

讀史雜題

六藝經天日月如始知善惡稟生初
漢瞞宋檜鈴山叟豈有家傳教佞書

九載無功痛羽淵叙倫文命奠山川
元圭錫後天仍配屍劈吳刀是妄傳

依託朱門亦可羞勉齋年譜盍旁搜
雙峰不死如彭

祖僞學真堪塞九州

南渡山河日半淪
龍川才調更無倫
可憐痛詆陳同甫
出自方回賣國人

定山託疾三原去
補義新成進御書
地下荆公應暗笑
斯人剛愎竟如余

宿梅嶺簡孫穀人刺史

短夢頻驚醒西風
昨夜來竹枝欹曲
磴楓葉下層臺
秋老蚊生骨霜高
鶴孕胎相逢期十
月共賞隴頭梅
續修大庾縣志書
職官志後

舊令甘棠手自栽去思碑倒沒蒼苔吾家合管梅花

嶺一百年中先後來

乾隆年大庾令袁錫衡字鏡伊亦韶江漁隱公後

大雨過章橋宿鍾氏溪樓徹夜不寐曉起題壁

上

小樓三面敞疎櫺樓外青山列畫屏一榻雨聲兼落

葉秋光涼到白沙汀

題潯江送客圖

庾樓明月尚當空一葉舟輕傍荻楓莫問青衫司馬
事琵琶亭在浪花中

野步

曲徑彎環石級斜松林深處亂啼鴉
田家門巷無人掃猶積春風落後花

峰山健兒行

峰山健兒好身手弩弓社裏皆良民
陽明召募置帳下一發十矢精絕倫
三百餘年桑海變聯珠弩法傳無人
蒼山莽莽蒼波走人指新城賊淵藪
新城雉堞生蒿萊道左文成碑石朽
雲帆百里南安來肱篋探囊空所有
昔時健兒願作官今日健兒甘作賊
焚巢

薰穴何處搜聚蟻屯蜂亦難殛百六劫運將復開以
賊殺賊如轟雷崑岡烈火燎玉石健兒之骨同飛灰
中秋夜登南郡城樓

百尺譙樓聳天高夜氣清亂峰連五嶺一水抱雙城
月滿蟾蜍影風傳鼓角聲重門嚴鎖鑰烽火使人驚
登金鰲閣

海螺吹繞女牆行高閣憑欄夜四更頭白可憐心尙
動南安三載聽鐘聲

巡街過鐵漢樓

劫灰飛後峻樓傾，留得錚錚不朽名。
事到盡頭爲鐵漢，心無轉念卽金城。
黃沙影裏雙鞍跨，皓月光中一劍橫。
有客來占王遁數，爲言嶺北可休兵。

八月生朝示內子

未雨綢繆悔已遲，捫心怎不愧瘡痍。
一軍擾擾蟲沙化，萬戶惶惶鶴唳疑。
刎頸早拚同殉志，齊眉今算再生時。
雛孫舞綵還嬉戲，強對黃花醉十卮。

過了山入僧院

籬角東西一逕分，僧衣挑曝趁朝曛。
背人鼠竊林梢

果逐影魚吹水面雲蓮社何年結香火桃源此處少
塵氛山農識我安民意爭向車前慰使君

過葉處士山莊

板橋流水繞疎籬中有前朝處士碑
槲葉未看黃半樹菊英已吐紫雙枝
園收芋栗鄰分惠室牘琴書盜不窺
莫爲萑苻輕避地須臾還是太平時

昔年

昔年羈跡鄭公莊花繞疎籬竹繞廊
三五時來詩酒客東西都近水雲鄉
枕嫌低矮書囊襯要通明燬

黼鑲最愛盆荷開
菡萏深宵金鴨不焚香

郭外青山水面樓
畫簾處處挂銀鈎
伯通故宅尋鴻廡
短簿遺祠傍虎邱
紈扇詞題金縷曲
玉簫人坐木蘭舟
阿翁於此婆娑日
算卧鍾離一枕頭

布帆送我白門東
水漲秦淮路不通
萬里江聲春夢裏
六朝山色雨絲中
漏天難補嫺皇石
拂樹誰占少女風
愁殺羈留孤館客
金樽檀板霎時空

是年金陵大水秦淮

樓榭僅見檐脊而已

幕府休言記室尊
浪遊策馬歷晨昏
二陵風雨連龍

塞三晉河山鎖雁門詩卷嘔心新樂府英雄埋骨古
中原回頭往事渾如夢何處飛鴻覓爪痕

霜影

霜影星星兩鬢邊歸耕那得買山錢病多到處求良
藥老至逢人羨少年骨肉存亡懸夢寐江山慘澹起
烽烟杞憂遽莫嘲愚叟挂劍欄杆欲問天

聞三弟野
漁殉節涼

中秋後一日憩真隱觀

秋色空濛樹裏藏葛衣微惹桂花香霄邊雁鷺沈孤

嶺郭外烟波送夕陽講院鹿遊莎徑沒
仙鶴去草亭荒天南莫嘆多兵甲此與桃源共一鄉

野望

畚田愁作石田荒杲杲炎空火繖張
多少蒼生望霖雨卧龍無復起南陽

夢中得鶴帶晚烟二句醒後足成一律

二千餘里隔雲山夢轂馳驅未得閒
鶴帶晚烟歸玉枕

玉枕大庾縣山名

雁銜秋色過梅關

南雄州有來雁亭以雁來爲瑞郵書

淹滯兵戈外家運迤邐骨肉間東望雙門天咫尺承

平何日唱刀環

宋虛谷廣文由萬載勸捐回署過其齋中

軍符籌餉敢稽遲來往真同驛使馳方憶鬪生紆國

難其聞卜式助邊儲

君家一族捐助兵餉銀九萬五千兩

驚魂稍定枌

榆里

賊過萬載大掠四鄉

冷署彌甘苜蓿蔬憐我囊空無阿堵

江陵劫火到圖書

十八里

十八聲停記里鼓河間姹女錢工數門前枉費墜鞭
心落盡桃花春無語儂身不屬遊冶郎飛宿自有雙

鴛鴦紛紛蜂蝶來去忙
酒槽新滴菊糟香

七夕

江南兒女話辛酸
庭下無心薦果盤
却羨天孫宮闕穩
銀河永不起波瀾

閏七夕

隔月女牛重會面
填橋烏鵲莫遲慵
人間天上皆歡喜
三十年來兩度逢

乙酉閏七月迄
今甲寅閏七月

三村桃花

三村士女共尋春
貞婦荒阡未勒碣
千古桃花同薄

命馥華不作息夫人

事見蘇香山館詩鈔中

妙筆宣揚季重才落紅如雨溼泉臺從今不是天台
路劉阮無勞採藥來

送孫月坡文學之樂平縣李資齋大令幕

幕府題襟客相逢惜暮年詩成梅樹下淚落酒樽前
知己酬無地勞生欲問天何如歸隱好角里有遺田
驛使方傳箭潯陽蟻陣屯避兵纔幾日話舊尙驚魂
鞭鐙倉皇影烟雲起滅痕君虞能愛士唱和匹西崑

題李寶之明經畫冊

桃花開落不知春未許漁郎來問津炊黍無烟鷄犬

寂此中容得避秦人

桃源問津圖

曾向南華祝瓣香西來衣鉢問誰藏而今滄海橫流

處初祖應難一葦杭

達摩渡江圖

入秋詩和王窗山明府韻

秋簾

不隔相思淚幾行芙蓉落盡惜宵長燕辭東閣襟仍
紫人瘦西風額尙黃一桁繡波微瀉影半爐烟篆妙
留香瀟瀟不捲重陽雨卻置銀鈎在枕傍

秋暝

金井梧桐露氣侵蕭疎紙幌冷難任爲揮白鳥攜團扇
莫被青燈笑獨衾翠羽明珠空羨慕寒蟬病蟀共
啾吟昔年曾宿羅浮嶺夢繞梅花萬籟沈

秋登

兒時有味最關情身世相依只此繁風雨半窗殘燭
暗琉璃一點慧光明微茫蟹舍星猶閃辛苦鴛機月
又生何處酒樓聞笑語蓮籌已報漏三更

秋硯

石生憔悴去何之玉帶腰圍瘦自支蕉葉有痕疑滴
淚楊花無影不黏池山峰琢就仍歸劫心血磨殘總
是癡莫笑矮桑真冷面相逢恰在隕霜時

秋籬

處士幽棲不厭貧此中風景畫難真伶俜尙繞尋花
蝶補葺還勞折柳人細雨藤蘿牽曳密夕陽雞犬往
來頻便思采菊從元亮乞取南山自在身

秋井

那有銀牀面面遮延年靈液漫爭誇煉丹仙去應留

藥抱甕人歸不種瓜
絡緯悽啼三徑草
臙脂遺恨六宮花
轆轤轉罷斜暉晚涼透西窗白芷紗

秋篷

楚北淮南路各分舵樓惜別話殷勤一樽喜聽灘頭雨
六扇斜拖水面雲瓜艇市心橋不礙蘆花簪背雪
初紛扣舷有客凝眸眺嘹唳征鴻響遠聞

秋鐘

鏗鯨僧啐法王函霜曉天高肅蔚藍飯後誰憐寒士餓
更闌莫放睡魔酣紅塵夢待蒲牢喚白雪禪從蒼

葡萄參百八聲清方夜半江楓漁火認茅菴

寒山寺鐘
至今夜半

乃撞知唐
人非誕語

盆中山茶歌 并序

嶺北民間喜植山茶佳種甚多余亦性愛此
花三年承乏惟飲南浦一勺水有門生故舊
以此花餽者則不辭復按譜購求紅如鶴頂
白如蕊珠置諸露井之中迴廊之側自十月
至於二月洵足娛目賞心也昔人以海棠無
香爲千古恨事余謂若山茶有香則牡丹芍

藥不敢正視豈海棠之可比乎癸丑夏五自
庾嶺適豐溪因吳城聞戒寄花於西郭古寺
天魔劫火燬及仙株悵恨久之後知鉛山曼
陀羅遠近著名遣僕往購得六七種而何溥
泉廣文贈余五盆有獅子笑六角蓮諸名且
喜且感今簇霞銜月漸次舒葩紅袖縞衣重
來結伴風景猶似昔年所不及大庾嶺頭者
無梅花數本掩映其間耳乃繫以歌

平生千卷書耽讀餘事愛花看不足
竭來嶺北花種

稀祇有山茶最娛目天生絕艷惜無香汝與海棠同
命薄傲吏黃金不入囊郊餽花枝當竿牘芳名一一
標牙牌鶴頂寶珠赤城玉東坡本自蓬萊謫且愧冰
姿對苜蓿塵容俗狀我更慙羅列瑤盆滿齋屋白者
簇雪紅攢霞富貴居然敵金谷飄蓬蹤跡不自由橫
浦忽移帆六幅輕裝羞澀惟鶴琴併載仙株如眷屬
慈雲擁護仗菩提劫火倉皇殃草木梅關四載爲勞
薪幸有名葩伴昏夙豈知造物厭衰朽絳樹紅綃奪
我速有客昨自鷺湖來爲言佳種亦超俗急遣長髯

按圖購似訪西施溪一曲貧家養女嫁常晚身價無
須珠論斛慷慨樽前贈美人世間乃有何平叔香國
原留補恨天癡翁仍觀看花福林泉樂事後難必冰
雪前緣今暫續作歌珍重謝故人寄與南飛兩黃鵠

連雨水漲

青山環縣郭郭外水盈瀆連夜雨傾盆大浸撼茅屋
溼雲化暝霧遠失松峰綠仲秋氣淒凜似日行北陸
得非大兵後蒼赤遭屠戮冤憤干天和以致愆亭毒
憫彼無褐人驟凍身踣蹙陽和卽回澤冷暖常倚伏

津吏競來報水痕一丈縮隴稻可豐收殘冬有餘蓄
勸捐束呈華堯峰編修汪化亭吉士

月耗廿萬銀參養情竄卒捐輸濟官帑半載又告竭
毀家臂剜肉犒士湯沃雪發棠人復請搜粟尉仍設
皮毛已僅存誅求且到骨魚冊上中分鶴租多寡列
殷戶或頑抗僉議三倍罰記名更記數畫諸筆親掣
猶防不肖吏染指致乾沒枌鄉兩詞臣沿門勞步履
其識公正懷勸導頗周貼豐溪稱沃壤時屈青黃接
十方功德錢出自心香爇集腋竟成裘寸衷亦稍愜

我願孫武書軍營置一篋因糧在敵人此語慎毋忽
題傅青主先生霜紅龕詩集後

澄潭朗月助精魂別有珠璣吐舌根書向西京求伏
壁詩如東野蔽韓門半生土室滄桑過一代遺民姓
氏尊除卻亭林知己少三家才調漫同論

題樊榭山房集後

西湖深處老煙霞人識徵君五柳家別有詩禪參妙
諦一池月浸白蓮花

微雲河漢王摩詰落葉空山韋左司古艷在胸香在

骨吳僧未許讀公詩

重至省垣有感

澤蘭殤折送楓根

第三幼女吳姬所生

德勝門西小塚存幸免

赤眉開古壙且培黃土作孤墩雪中明滅尋鴻爪風

際伶俜化蝶魂留得金環待誰覓再生因果不須論

鷹潭

青山龍虎氣千里黯然收野曠添軍壘村荒少客舟
鳥聲猶帶恨花態若含愁此地頻虛警蘭橈莫逗遛

祭張忠文公祠

帝后蒙塵恨若何孤臣忍渡白溝河兩京父老空垂涕
六賊猖狂力議和飲水不餐金虜栗班師難奮魯陽戈
金師日逼公統兵勤王耿平仲恐敗和議急撤止之薦馨故里神來格
今日淮南盜更多淮南盜首宋江等橫行河朔公以計討平之

水南過徐白舫先生草堂留贈

韋曲山莊綠水邊柴扉左右白沙田蓬池館閣無同

輩

辛未庶常

桂苑科名有後賢觀畫早參裴相慧傳經將

屈伏生年著書歲月渾忘卻手種松杉已作椽

所著詩文

集外有妙海心珠
霜鐘警夢錄等書

歸然人仰魯靈光
謝綬還家鬢未蒼
鹿洞鷺湖開講席
吳山粵嶠倦行裝
襟懷北海樽前見
詩稿東林寺內藏
半日清談容造膝
歸驄不礙趁斜陽

雨中過大南嶺憩僧舍

避雨迦陀院
青茅蓋四簷
笏鞭橫石砌
荔帶補蘆簾
香溼鑪中燼
詩殘壁上黏
一關當谷口
設險足鉤箝
願香畹
比部自都回
里承過衙齋

兵甲東南道路艱
紆迴半載抵鄉關
人來楚尾吳頭外
春在花明柳暗間
乞假料無提觀俸
移家欲買讀

書山鳳雛最羨聲清甚轉眼蓬瀛侍玉班

輓章實甫茂才

銅陵章屏臺夫子司訓寶山其孫實甫茂才
從余受業後由粵東回里江程阻隔並知銅
陵久爲賊踞民皆蓄髮其妻子不知流落何
處遂留余廣豐署中忽生奇疾兩月而沒權
厝西山真隱
觀旁可哀也

雲亭載酒失侯芭埋玉西山淺淺沙十日妻孥防陷
賊七年嶺海苦思家裝貲盡耗鑪中藥吟卷空留舌
底花親見師門三世事箕裘零替獨長嗟

春日排山道中雷雨交作留宿王氏山莊頗饒

花木之勝

五日東皇懶放晴滂沱廿里阻歸程烟迷桃杏難分
色雨滴蕉梧不辨聲赤電爲誰開口笑青山初學畫
眉成豐溪曾駐蘄王節掘得沙灘舊酒罍主人云山
世忠所掘井及上馬石今土
人於沙灘時得犒軍酒罍

拜婁冰溪先生墓敬題自上饒回廣豐因
公繞道經其墓下

不愧賢如父能爲王佐師登樓辭冕日繫獄演爻時
國史無專傳鄉閭有圯祠墳前人下馬滿目草離披
王文成公爲
先生高弟

信陽道中卽事

沙磧走崎嶇漸入橫峰路晨光已熹微松柏尙凝露
一溪無木橋牧豎跨牛渡茅店四五家輿夫息肩駐
老翁扶杖來殷勤若垂顧言過驚蟄節比戶整農具
此鄉風俗醺歷年少通賦須臾日曛隴嵐翠撲衫屨
嫣然籬落間桃花數枝吐

過夏曉葉廣文學舍看菊

看花先到枳籬東踏碎苔階碧玉叢十里秋聲殘照
外一家情話冷香中湖山意氣推名宿

君向客院省
大府幕中

書畫頭銜署醉翁

君善畫梅竹

莫問柴桑元亮宅劫灰飛

盡長蒿蓬

君德化人今無家可歸

聞包慎伯大令沒於袁江寄輓一章

耆舊晨星更數誰天涯消息恐傳疑賊來建業移家

後

久客金陵移家兩月粵寇已至

名重桐鄉去職時

權令新喻因不漕事罷官

薄文章虞與魏

論近代古文謂虞伯生可繼歐曾魏叔子可繼伯生

若論風誼

友兼師南州樽酒西州淚寫入招魂宋玉詞

寄懷錢直卿茂才

一門伯仲兩鴻儒子弟烏衣盡鳳雛才調如君同輩

少亂離作客憶家無吳江楓冷音書斷庾嶺梅香倡
和孤欲整歸鞭須早計玉山道上待維駒

豐溪官舍送章西巖表弟歸寶山

後會知何日東西千里程眠餐休落拓盜賊况縱橫
身老官爲累時危子亦輕癸丑以來江右喪亂不復作生子想夢魂隨
汝去恍聽海濤聲

五都道中

盤旋石徑白雲遮松竹林中老圃家大甕封缸煨櫂
柑小橋編筏架楂枒村酒佳者謂之封缸用微火煨之萬株茶樹多

生子七月薺薇尙吐花桴鼓不驚民氣靜此間猶算
好年華

春曉野步卽景

春水溫燉鴨未知苔磯霜冷立多時東皇漸展丹青
手點染桃枝與柳枝

送謝曉渠孝廉之閩中李小湖學使幕

蘊山中丞汝曾祖純廟承平稱碩輔經儒兼擅良

史才同輩錢王極推許

錢竹汀宮詹
王西莊閣學

賀六渾起魏鼎

分黑獺迎君作販賈孝武西奔事孔多李家父子十

遺五中丞西魏撰紀傳馬陸南唐書並數一編千古
壽名山四庫琅函入史部先人手澤鑿楹藏詩禮清
芬被門戶輒紅雨踏長安街未到蓬瀛作仙侶飄然
去泛武夷船九曲棹歌須記取荀令衣香三日留水
旁觀者環如堵衡文冰鑑氣味投斲削還資脩月斧
故鄉烽火不可居僂計榕城尙樂土寄語星輶李鄴
侯老子聞雞懶起舞眼看公等建高牙迭掃蟲沙澄
九宇

孝廉與學使皆余分校所得士。中丞西魏書板藏揚州某孫家未知遭兵火否

泊舟洋口紀夢

籬邊隙地遍栽麻近海樓觀早晚霞蠶子浴時桑綻
葉蜂兒喧處菜抽花簡編插架三千卷鄰里分肴四
五家回想黑甜非幻夢廿年前景本無差

郡城克復卽事偶成六絕時余將赴弋陽并留

別廣豐士民

咫尺烽煙萬戶驚黑山賊騎忽收兵輪迴不墮紅羊
劫此後餘年是再生三月二十四日賊由郡垣分股
來擾廣豐行至十里橋賊首聞

羅觀察大軍將抵
城外傳令旗追回

細柳韜鈴倚馬才勲名他日重麟臺信州父老銜恩

泣多向營門叩首來

羅觀蔡大軍馳抵郡城賊出西門拒戰我兵殺賊無算

果然天上下將軍重見鷹旗掃逆氛千四百年循吏

在甘棠猶帶信江濱

指三月二十六日李真君白旗顯神事

葛陽滿目感瘡痍一局難收敗後棋自問濟時才具

短辦香慚奉疊山祠

旁午軍書兩載過豐溪孤負好山多龜峰水月前緣

在石壁題名跡未磨

道光八年舟過弋陽遊龜峰一日

蒨屋誰聞五袴吟西山回首白雲深平生不飲貪泉

水溪上梅花鑒此心

豐溪梅花甚多不減庾嶺

弋城偶感

泣官纔匝月百廢豈皆興
黑白探丸急蒼黃蜚語騰
瘡痍猶滿目撫字益煩膺
畫角城頭咽霜寒甲帳燈
威武宜春兩軍猶駐弋城

溪滙靈山水東西弋字成
龜峰開翠色鳬石吼濤聲
戶滅炊烟少田荒蔓草生
從今枹鼓絕莫放杜鵑鳴
杜鵑見江上雜感詩註

寄訊友人潯陽

傳聞身陷賊消息是耶非
池沸魚皆爛梁空燕不歸

妖星芒四角昏月暈重圍倘入征南幕霜花滿鐵衣
讀少陵詩偶成四律

艾城青犢去琴水赤眉來無地逃兵劫祈天降將才
三年斨斧缺四野雁鴻哀投老慚君父情懷若死灰
河上逍遙帥山頭草木兵債軍誅馬謖殺賊怖花卿
未亂誰籌筆臨危盡棄城道旁扶杖叟流涕望昇平
少保新書在朦朧習水軍京江迷豹霧鄂渚隔鯨氛
裹甲勞飛饗拋戈冒戰勳潯陽大星隕痛失武安君
都尉嚴搜粟中郎恣摸金算緡桑孔術寬綱禹湯心

莫怨脂膏竭當思雨露深流亡萬家屋涼月照空罽

登觀音閣

觀音古蘭若高枕東郊麓才登十級梯一覽眾山綠
亂後我來遊景物悽以蹙鐘零鼓亦敗餅鉢乏饘粥
仙佛本超劫猶爲劫縛束豺狼劇縱橫龍象難降伏
一僧前致詞流寇此信宿金身先拽倒次乃抉雙目
沙彌涕沾膺老夫笑捧腹世尊垂慧眼六合遍瞻矚
頂上大光明無斷亦無續况悲眾生苦不惜剗劖肉
區區範銅像豈畏當鋒鏃緬懷締構初藩后祈冥福

東嶺開赭石西山運楠木荏苒四百年日月疾轉轂
朝市幾變遷招提未傾覆莊嚴三寶相舊觀終當復
憑欄一長嘯餘響震壑谷飛蓋酹龜峰雲中見白鹿

謁謝文節公祠

采薇歌外無文字公有楹書付後昆流涕獨褰曹孝
女逋臣不作趙王孫橋亭卦硯遺塵世鶴駕麻衣返
墓門歎息江南廝養少燕京當日忌公存公不餓死
公留夢炎程文海輩不識公心並不識世祖
心昔吾友毛申甫以此論爲然故附記於此
世祖必殺

示諸姪二首

顏齡似驚蹇征行未解駮明沐君父恩時時飽荳莖
況今楚吳粵百邑盡殘破高牙大纛人無策弭兵禍
微名復何心棄之若涕唾吳淞好烟水茨屋可偃卧
所冀諸姪中崢嶸得一個執藝雖各殊皆足免飢餓
類狗固堪弔爲虎亦奚賀嗟哉伏波書汝曹日當課
平生性命輕國事方憂患獨坐危城中凜凜三夕旦
方寸持定力生死歸大限偶然一動心噉噉澤中雁
江右二十年趙趙營薄宦頭顱已白盡家計未遑辦
尙欲製鎧甲有事身先擐觀汝兄弟狀未語涕先潛

勸我投版歸相守，饜藜覓甌空。且忍飢衣裂，詎須綻。
驚諸航海人，收帆到彼岸。卿言亦復佳，我累奈羈絆。
久辜猿鶴招，此孽不可追。力圖死前休，得失庶操半。

點兵

紅旗拂鳥翼，雪戟排龍鱗。健兒好身手，三千如虎賁。
慷慨帥登壇，氣欲吞黃巾。軍書十二卷，卷卷姓名真。
豈知點鬼簿中多，未死人。黎邱巧變相，木蘭代戎裝。
詭名寄軍籍，日日虛糜糧。我思古名將，聰明記憶強。
點兵識一面，終身永不忘。前有孫伯符，後有張睢陽。

月夜舟次聞角聲

地鑪不自紅石炭佐其功肌膚不自暖美酒澆其胸
憶昔客京華寂寞成枯僧不資扶搖風安搏滄海鵬
一官落洪都逡巡牛馬走手板或倒持眾咻獨閉口
三年泛靈水撫字慙龔黃變生倉卒間信陽作戰場
八月生朝自述

干戈未定莫開筵桂任飄香菊任妍舞綵雛孫來索
餅祝釐胥吏共疑年家無十畝桑麻地身戴四朝
雨露天漏盡夜行猶役役養生畢竟愧彭佺

獨立

祈蠶賽麥農桑業白拂青鞋香火禪喫飯世閒誰最
苦冷銅山重壓雙肩

斷無代艾磨菱角那有縫裳屑藕絲頑健此身無著
足針尖偏要立多時

肩輿勞頓小憩村舍

道左迎官半老翁殷勤留憩草廬中年穰已免村牛
賣兵過都愁母篋空稚女茶花雙髻紫

卽山歸樵櫟
茶花

葉一肩紅太平景象當旋復十日甘霖五日風

小病枕上

隨地誅茅便掩關。巢由豈必買青山。心驚上下危灘裏。
夢繞東南戰壘間。齒欲離窠先杌隉。足因生繭更蹒跚。
子雲未老童烏死。符命元經一筆刪。

叢莽中開出小圃。一區周圍皆二丈餘。旁有蠟梅一株。向爲惡木所翳。生意漸凋。今亦豁然。疎朗得受風露喜而賦之。

我如叔孫媼。所在葺牆屋。敢謂逆旅踪。此間暫信宿。
偃息愛疎豁。卽欲斬惡木。架椽縛茅茨。築圃藝葵菊。

况有素心人棄置遭屈辱拔擢出泥塗三薰而三沐
似感主人恩蠟丸報一斛此君溯苗裔別出羅浮麓
憎他狗蠅輩齷齪非我族嘉名錫黃香花史筆當續
登署後土山

篠密蘿深窄徑迷土山不用杖青藜暫銷蠻觸安蝸
角漸喜尖團孽蠨臍彭澤人來賣蠨喜江路漸通俗吏本非三語

掾嚴關誰守一丸泥回頭往事真堪恨無數生靈作

犬雞

賊陷弋城殺三千餘人棄屍土山後

尙貪

尚貪五斗折腰支典盡琴書未賣癡日月無膠黏不
住功名有徑捷仍遲囊空自述三年宦句拙常塗四
壁詩卻羨放翁身已乞頭銜許領武夷祠有客餽武
彝茶一簍
以爲眞九曲中
茶也感念及此

過龜峰不得遊

四聲谷口昔年遊石壁題名爪迹留尖峭峰巒猶入
畫蒼茫烟雨最宜秋山靈相識應青目俗客重來已
白頭倘有龜堂尊宿在詩筒早寄葛溪舟

洗腳亭

洗腳亭前白石橋西風木葉下蕭蕭遙看城郭還如
故五百年來萬事銷

聞瑞州被陷寄訊朱芷汀孝廉

門下傳經士惟君獨起予時逢多難日家有未成書
烽燧驚鄰照櫓槍射斗墟華林堪避世添結數椽廬

過潮水巖觀一日三潮處

大塊氣嘘吸江海潮長消乾旋坤轉億萬載一日十
二時不淆怪哉一卷石龕赭分秋毫地下出泉七尺
均盈縮候應錢唐潮老仙蛻骨瘞何處空將靈迹留

山椒有客探奇駐鞍馬信宿碑亭驗真假汲餅甘冽
試新茶溢入春陂碎珠瀉晝夜闔闢造化機此中橐
籥微乎微六合內外大千界異事洵有非傳疑我來
斜日橫山脊水涸方池少涓滴十里回車拄杖看峰
巒倒浸琉璃碧僧廬掃榻燈火闌埃卒來報汝又乾
荒雞三唱尙無寐細思物理方長歎

桐木關

興廢歷四朝崇關圯荒楚關址今猶存亂石堆如堵
耕氓數十家散處非族聚寒沙走疾飈淡日隱遙浦

唐家舊有遺民宗派守殘譜尙知黃巢名舌縮不敢吐
承平二百年那復識鞞鼓策馬陟高岡四顧久延伫
一夫足當關此地實險阻函谷在眼前莫謂蕞爾土
捷徑走微饒上遊控建撫信陽咫尺間形勢亦頗輔
方今盛萑蒲所在多跋扈守將貴得人毋使越銅柱

西院枯樹

枝柯變銅鐵疑有風雲護憔悴庾蘭成才退不作賦

食鱸魚膾

張掾黃花賦散金鬢絲如雪有歸心秋風不爲莼鱸

起莫望東吳感慨深

食東坡齋

無復延英侍玉坡
山廚一齋味如何
投荒萬里南溟險
祇爲朝中肉食多

塞上短歌

臙脂馬背馱去向陰山
哭不是少黃金蛾眉無處贖
遊智果院

四圍杉栝翠成林
中有招提傍曲潯
泉挂樹梢猿倒飲
花藏葉底蝶偷尋
山河大地虛空影
鐘磬諸天寂

冥音卻被懶殘留
啜茗坐聽高柳一蟬吟

長歌行送程卧梅刺史歸荆溪

卧梅臨別勸我歸吳淞

贈詩有吳淞江口望歸船句

我欲買田陽

羨相陪從平生不如意事十八九
登場傀儡牽掣憑

天公故鄉葦鱸佳味久縈念
昨宵倚欄蕭瑟愁秋風

君作鷺湖山下萬家佛
脫離虎口便策遊山筇

君謝事二

十日賊至鉛山避地崇安留別
士民詩有脫難真同虎口邊句
武夷老仙夢裏若招

手青鞋布韞踏遍高低峰
棹歌九曲宛轉出新調小

長蘆屋驚倒朱十翁
不識臨汝廿年共聯轡四方土

遼懷堂詩集

後編卷三

三

下追逐如雲龍君今挂冠神武返鄉里我似藩籬鷄
仰霄邊鴻懸車馬齒豈復戀槽豆十郡烽火無地安
吳儂丈夫報國不論位貴賤頭顱熱血願灑沙場紅
奈此桑榆斜晷已西昃風波宦海及早收危篷請鄰
祭竈歡笑敞廬內猶勝一棺長闔歸江東作歌慷慨
與君盟息壤他時罨畫溪畔當重逢天南半壁山河
幸恢復元白二老尙得傳詩筒

雜感

青犢連橋過洞庭江程千里血波腥哀時有客成詩

史退敵何人讀孝經雨漲潮連瓜步白烟昏山失皖
公青汾亭敢說從遊士元直魂歸駕鶴輶

東南禹甸尚安全兵氣宵騰白下天內府金縢空庫
藏將軍歲月老樓船匡山雲影旌旗繞蠡澤潮聲鼓
角連尺一詔書催戰急期門都護出甘泉

赤眉銅馬似勞絲討賊先聲羽檄馳慷慨原思援梓
里遷延已惜過瓜期巡輶使者求持節入幕軍諮阻
出師樽俎拆衝良不易諸公何以報丹墀

貔貅萬竈暮雲黃路隔天台白石梁北面有人師廣

武東風何日助周郎算丁祇賸三空室呼癸纔餘七
日糧留得前賢韜略在李臨淮與郭汾陽

江流九派接雙孤千里孫恩集戰艦篝火訛言興大
楚妖書餘唾拾耶蘇登壇上將誰揮筆乘傳儒生已
棄繻聞道龍驤持節至功如造塔合尖無

帳前黔楚健兒多翻覆蒼黃慮倒戈萬騎鮮卑圍石
勒中原將帥用廉頗但聞道路逢豺虎未見軍容肅
鸛鵝試問陳濤師潰日房公車戰究如何

宵旰誰分側席憂販繒屠狗應旁求從軍子弟嘲豚

犬僭號君臣笑馬牛橐籥偶然愆玉燭虬螭妄想撼
金甌江東卻少夷吾輩空泣新亭學楚囚

天啟錢背
鑄牛崇禎

錢背鑄馬爲闖賊及
僞相牛金星先兆

深山何處寄行蹤十郡猶傳斥堠烽父子兵從團練
使酤茶稅權大司農路通北亳遭青犢人向南陽弔
卧龍值百當千錢復見赤烏遺製久銷鎔

不留雞鶩在山庖墟落千家瓜蔓鈔欲竊兵符椎晉
鄙誰攜愛妾避黃巢關河有淚征衫濕天地無情戰
骨拋太白光芒霄際歛班師早晚聽金鐃

蛟龍腥氛鬱未開江皋焚屋長蒿萊讀書趙括眞庸
將降敵張元亦異才娘子軍傳城上箭佛耶機發地
中雷故園三徑荒蕪盡老不歸田已可哀

題俞芝恬幕佐自繪丐婦戲猴圖

記室才華幕府尊烽烟避地幾驚魂山林有約尋仙
伴粉黛終羞倚市門蓮步歌殘商女曲玉環人識劍
翁孫憐君一幅牢騷意酒後青衫濕淚痕

獅江官廨呈同年朱鼎臣刺史兼示幕佐成梅

溪茂才

三鎮遭蹂躪
獅江幸瓦全
鄉兵團子弟

十大姓
議練勇

賈客

算車船茶市提綱稅芝廬賃屋錢咽喉通水陸莫使
阻烽烟

司馬紅蘭署書巢我暫栖養疴添藥裏謝客少輪蹄

雨點蘋根細雷聲竹外低陳蕃能下榻高義感招攜

花木仍無恙髯奴灌溉勤

汪春生司馬因公回
浙刺史暫攝此篆

樽前

逢舊雨樹杪望停雲要路油幢集閒曹羽檄紛西風
殘暑退話久夜常分

記室才華富汪倫眼獨青讀書探二酉佐治重雙丁

余署安福邀茂才掌書記令弟稼田上舍
精申韓之學余官大庾延主刑席三年
遠驛書難
達孤燈夢易醒西湖歸隱好家近白鷗汀

題王叔彝觀察蘆灣殄寇圖

吳淞入海江朝宗七十二灣潮汐通葭汀蕭瑟岸紆
曲漁舫欸乃烟冥濛一帆漚瀆泛秋月扣舷獨弔袁
山松閩粵遊魂化螽蟻漚城踞作逋逃窟紅巾尺幅
裹麕頭剽掠千家少完室負嵎一載螳臂撐沿島飛
符阻銀鵲豈知殺賊仗書生氣蓋江東笑捫蝨王郎
家世爲清卿白紵揮塵常談兵詞壇旗鼓敵青兕詩

律壁壘稱長城海上烽烟正傳箭堂中賓客猶調箏
千人配府桓叔夜八陣演圖馬孝興餉軍奚但衛桑
梓殄寇旋見殲鯢鯨豸銜鹿轂督方面持節細柳來
屯營玉山道上逢文度話舊綢繆是親故尊公懷祖
壯齡時畫舫同遊桃葉渡蘭臺濶別三十年領軍得
見班都護將星高挂金剛峰金剛玉
邑山名叱退蚩尤歛妖
霧吏民哀我老且愚磨盾尙能草露布蘆灣事往跡
未銷粉鄉安枕公之勞披圖風雨聲澎湃恍聽春申
浦口濤

避地定陽寓寮閭寂感鄰家神女降乩之事偶

賦仙女三絕非意有所指也

太原相國女曇陽待嫁璇閨玉潤亡尸解情緣終不

解髻鬟手翦耐徐郎

曇陽子

靡蕪荒徑月明中衾寢齊牢夢已空野史燒殘紅豆

死柳星仍傍翠微宮

翠微夫人

嵯峨王屋鎖曇雲南嶽夫人授籙文落盡梅花高嶺

上驂鸞來弔相公墳

空雲女冠

玉山蕭素村太守以沈石田山水畫冊贈浙中

徐仲水大令頁尾有傳是樓珍藏圖章崑山
徐健菴司寇舊物也仲水寄籍黔中實司寇
後裔受之甚喜一時佳話不可無詩

大癡六法走雲烟付與吳門白石仙傳是樓中藏弄
久一櫺化去在何年

繪事微言沈石田山水
宗大癡爲明世第一

孝穆才華軼等倫玉峰門第宰官身蕭齋太守風流
甚趙璧仍歸舊主人

細柳屯營上將臺軍諮年少借長才

王叔彝觀察備
兵玉山仲水爲

軍諮三生蘭絮留因果若爲名人墨寶來

水墨幽香暗襲衣
青山紅樹送征騑
定知一幅梁朝
檜攜得風雷滿袖歸
石田翁有水墨三檜卷世稱神品自題其上云傳取梁朝檜神去袖中疑道有風雷